

T 5422/7671.2

52



CHINESE - JAPANESE LIBRARY OF  
HARVARD - YENCHING INSTITUTE  
47 HARVARD UNIVERSITY  
JAN 10 1941



THE UNIVERSITY OF CHICAGO  
LIBRARY  
1901 12 12

白榆集卷之二

東海屠隆續其者

七言古詩

荆室篇寄壽桂母戚唯邵太夫人六十

荆室上築荆山椒辛棖繡林人煙香室下兒孫榮王

荷室上大母崇金翹太母之胃本厥曉錢唐王氣通

靈祠社姑 惠后孕龍種寶啓 神孫承大鏡文地

內宜梓房親念吾侯綺荷榮龍太母輝煥程長君淑

天儀蘭叶香思長建表律幽爽傳下公天飲亦經



白榆集卷之二

七言古詩

荆堂篇寄壽程母戚畹邵太夫人六十

荆堂卜築荆山椒華棖繡棟人煙霄堂下兒孫棗王  
樹堂上太母峩金翹太母之胄本戚畹錢唐王氣通  
靈潮祖姑 惠后孕龍種實啓 神孫承大統父玘  
內託枨房親金吾緹綺荷榮寵太母擇嫁程長君淑  
女徵蘭叶嘉夢長君義俠鷗夷儔千金聚散如輕漚

東海屠隆緯真著

哈佛大學漢和  
圖書館珍藏印



白梅集 卷之二  
往來行賈結豪俊布衣聲聞傾王侯雨香南國花臺  
履雪滿東吳笠澤舟太母溫溫性婉嫵玉葉金枝不  
自貴口吟樛木逮庶姬身着浣裙飾良姊有子奕奕  
稱三荆絡秀千載同榮名卽今六十開壽燕華燭高  
照舞衣明天酒傾來泛兕爵雲謠譜入和龍笙知母  
舊隸西王籍我亦清都守厠客仙郎愛我清霞言遠  
託鸞書奏瑤席願母駐景留朱顏羅郁相傳煉金液  
露觴祠  
六月炎熇遵彼湖曲日之夕矣女也野宿有蚊如雷

利於鏃天生萬物蚊何爲乎彼蚊其何知乃嗜貞女  
膚他人有帷帳嫂入女也止帷帳而生不如野死吁  
嗟乎女筋可露女行不可汚湖風蕭蕭古祠暮

西泠歌贈陸君策

西泠橋上月光滿斷虹垂天水痕淺曲岸橫塘秋瀨  
清菱葉荷花莫風緩疊嶂層巒四面來丹霞碧洞忽  
中開天寒大寺霜鐘急野曠孤舟鐵篋哀花塢春流  
銜竹戶往往人家湖上住水仙龍女夜深出雜珮金  
翅踏沙去雲間陸生神氣澄青崖雙足扶蒼藤蚤歲



才華奪南國經年蹤跡多西泠聞道卿家峰泖秀辟  
羅無情挂虛牖一自平橋借馬蹄無數秋花生鷓首  
竈吐茶煙濕水雲風和琴響增山溜問君終占第幾  
峰我亦來巢鶴上松卽令漁父猶迷路縱是樵人亦  
偶逢

容膝軒爲喻邦相賦

美人爲政多徜徉神情散朗游混茫湖上來乘青雀  
舫山中故有白雲房冷風蕭蕭生虛牖涼月穆穆滿  
石牀憐君高才宦不達十年作吏埋星霜金華山中

松子大西泠橋下荷花香萬里久淹仙署客一官長  
治水雲鄉却憶青山長蘿薜蕭蕭酒高齋可容膝香爐  
茗椀宿有綠松桂獼猴黯無色在世常懷出世心夢  
入煙霞尋不得

讀蕭諫議使琉球錄歌

天王威德行荒服萬里遣使波臣國人生蹈海良歎  
難行者惴惴填魚腹一出都門成歎別反顧安得不  
躑躅事不避難臣子情公也掀髯慷慨行十行雷電  
銜天詔六傳風雲擁使旌親朋走送哭衢路道旁觀



白梅集 卷之三  
者如堵城飄然乘舟泛溟渤長帆插天雪色明蛟龍  
抱珠海若卧金鰲不動水恠清遠山數點抹青黛萬  
里無波一鏡平須臾惡風捲地起濁浪洪濤急且駛  
二儀簸蕩日月昏萬恠千靈吼海底長年三老覓亦  
奪舟中之人慟不止公也蠓蚘視神龍冠服端坐蓬  
牕中途生委命了不恐澄心定氣澹若空萬死間關  
達海岸終成嘉禮宣皇風君不見韓嫣金丸行廣陌  
都尉新聲被恩澤子卿雪鬢十九年持節歸來頭盡  
白又不見班生投筆何昂藏萬里遠使黃沙場輕將

性命飼豺虎玉關人老悲星霜蕭公磊砢亦如此報  
國孤忠久自矢餘艗遠涉鯨鯢鄉當時一身榆葉耳  
烈士古來多苦心安能全軀保妻子

送趙蕪父侍御請告還金華

石梁仙人桃花色酷好煙霞已成癖朝種河陽縣裏  
花暮栽御史庭中栢乍可宮雲下珮環無端山月紫  
蘿薜飄然便出春明門言借青谿煮白石誰道金華  
牧羊兒却是長安驄馬客長松倒挂絕壁陰洞門雙  
開張玉琴石牀蒼苔積來厚天寒黃葉飛滿林山人



一別六七載鳥啼猿嘯總關心尋僧不憚雪霜冷采  
芝豈知雲霧深君今暫得歸洞府野風蕭蕭聞猛虎  
差疆馬上聽朝雞長樂鐘殘月華吐此行未許卧丹  
丘還與君王行繡斧他年相約訪赤松結廬欲選最  
高峰胡麻沉澆時時有白鹿青羊處處逢

邵伯湖

大湖茫茫十萬頃日夜乾坤浸溟泮天風下來洪波  
起觸石排空一何猛百靈奔迫雷雨聲六合搖動山  
河影赤縣神州莽不見慘澹孤懸白日冷造化元氣

不壅闕何得乃爾勢飄忽不獨惡風能作濤簸弄亦  
恐馮神物卽看鳧鴈愁砰訇獨有魚龍愛空濶劈天  
千尺帆檣過亂峰一抹煙霧多漢女遭之亦解珮洛  
神那敢嬌凌波咫尺東南恐浮去突兀孤城將奈何  
風濤快哉足容與人生險絕亦應睹老龍吹笛鼉擊  
鼓琴高大嘯馮夷舞一杯一曲送斜陽雙槳雙帆進  
前浦長天隱約見揚州海上紅霞月光吐

寄瞿生甲

瞿生十三誦古文抱書北走叩九闍歷抵王侯無所



言但言有父離煩冤少年早已破萬卷西京大曆相  
吐吞向客慷慨一何烈試以文章風雨奔語罷青天  
白日淡對之四座驚心魂予也一見呼小友斗間夜  
氣雙龍吼長才健筆高摩空短袖單衫不掩肘諸君  
聞之徒歎息竝馬來過窮巷窄眼看瞿生落彩毫一  
一盡作青霞色聲名頃刻滿燕都但願生兒如此雛  
此雛生來丹穴鳳有父况是南海珠積毀煩冤近已  
雪歸去荆門弄煙月涕淚還含千古情風塵已是三  
年別洞庭魚龍黯欲收吟殘帝子蒼梧秋神劍飄零

有時合且題尺牘慰離愁

泖上澄照寺作

有序

泖上澄照寺逢鏡上人談禪至夜半忽聞門外蕩  
槳聲問之則故人施可嘉莫廷韓徐長孺楊爾傳  
見尋爲之清言達曙矣作此留山中

煙濤茫茫最深處却有山僧水中住寺門亂石不通  
橋落日殘鐘在枯樹作吏余懷出世心偶逢慧遠話  
東林沙明月上天初霽經罷香銷夜欲沉眠鷗忽起  
大波響門外何人蕩雙槳乃是故人抱素琴夜半來



尋煙水深山僧煮茶佐名理雞鳴水中天已曙可惜  
都無沽酒處爲愛煙雲不能去

李之文落第詩以慰之

我家賢甥酷似舅年少風流迥絕塵詩情酒德太不  
淺狂來便擲頭上巾六尺侏儒髮復短居然上帝之  
弄臣去年上書不得意今年雄文復見棄不見汝舅  
坎廩時鷓鴣無光古花碎丈夫得失多偶

來拂

袖行青天時苟不來爾將奈詩酒可以銷平胡姬  
壚頭足簫管夜闌燈長歌復緩曲房朱絲

只

是能令鬢髮短不如學道守清真焚香讀書見古人  
抱才如子真堪貴家有名田况不貧

贈伯英諸孫

公卿苦事先皇帝弘正之間說襄惠一爲御史坐  
烏臺數轉尚書開甲第長髯玉貌儼天人步出朝班  
羨至尊博大溫然號長者天下饑寒盡在門待臣  
舉火詎三百或稱假子乞恩澤人以告公公不嗔呼  
來賞酒賜顏色看汝狀貌知可見我爲爾翁即亦得  
天才蒸逸奔巨波與酣對客揮長歌終身不識攢眉



事衮衣玉帶嘗婆娑盛德高門本天道今來孫子何其多諸孫伯英更璫玖作詩工文兼善酒二十人稱混沌翁百年一醉無何有我昔閑垂東海綸伯英相隨情最厚自從作吏五湖旁却馳春夢三江口君來視我平原村大笑入門冬月溫半壁殘燈濕寒雨遶林黃葉照青尊叩以新詩殊可誦不忝風流太宰孫君不見古來大臣傷刻薄身後子孫何寂寞

唁和叔

嗟和叔爾勿呼天踏地向人哭且縱飲我牀頭之濁

醪聽我清言叩哀玉樂生今死灰燕王喚不回蝦蟆盤跚是龍驥寶刀磨滅生青苔世上兒童若解事古來不說荆人哀君家朱門高碧瓦一朝歌鐘寂如啞門前楊柳空挿天坐使他人來繫馬天生爾才良有因豈使王孫終賤貧百年藜藿堪充口七尺芙蓉不避人磊落胷中罩今古俛首寧愁無阿堵君不見洞庭雙鬟牧雨工蛾眉慘淡泣龍女神物失意亦如此男兒有懷那得吐留取兩行青血痕灑向鮑叔千秋墓前土



白梅集 卷之二  
元夕集王使君宅觀燈

郡城元夕天雨雪萬戶笙歌鬱不發陽春只在王公  
家複閣重檐何截竊高燒火樹亂疎星滿院華燈代  
明月交情三歲直忘年此夕登君玳瑁筵雨雪故應  
欺客鬢蟾蜍知是爲君圓茵苔臨池水光瀉縱有春  
風吹不謝使君况是揆天才儘多佳句酬良夜落筆  
頃刻百韻成一盡作金石聲昔聞瀟洒朱司業甲  
第花燈與天接司業去後蠟炬殘園裏寒霜照黃葉  
人生如此不用哀與君一日觀燈當一迴

贈文長諸孫

當時笑拍洪厓肩我髮垂垂君少年芳草平沙江上  
鴈桃花落日渡頭船自從先生逐五斗老去門前數  
株柳君到高叅春燭紅共說西風別來久鬢邊白雪  
漸欺人江上青山無恙不看君談笑似當時往往能  
工大曆詩聞道江花爛如錦相期歸作平原飲興至  
休停琥珀杯醉來便拂珊瑚枕

贈李之芳

人言似舅卽賢甥萬葉王孫世雙美往往海內傳之



久風韻如今說小李度曲吹笙妙入神却疑子晉是  
前身亦有嘉言霏玉雪春山朗映空潭月木蘭雙槳  
報君來却遇衙齋花正開微辭調笑儘瀟灑袖出瑤  
華日盈把懶聽河陽縣裏鶯春風欲試垂楊馬我亦  
將行君暫留與君爛醉櫻桃下

贈崑崙山人遊天台訪顧益卿使君

嗟哉崑崙生布衣輕王侯胸中有五嶽筆底無千秋  
世上浮名不挂齒馬蹄半踏空山裏醉來白眼傲青  
天颯颯松風入雙耳只今作者紛如雲英雄立名多

未真讀君之詩見標格泠泠水石清無塵王屋襄陽  
賴吐氣令予未敢輕山人往來踪跡遍吳越更言欲  
問桃源津但使昂藏雙足快寧辭落拓一身貧顧侯  
胡公俱倜儻生平大義白日朗一葬歿友吳門下却  
尋知己天台上天台石梁海向垂海風日日來相吹  
千樹萬樹絳桃發洞裏仙人愛賦詩遙想胡麻初飯  
罷狂歌浩蕩把青芝

贈方衆父

青谿之水青如苔杏花花落盡辛夷開堂上正逢春酒



白木集 卷之二  
熟門前忽報故人來美酒既十千故人亦三五鐘沉  
碧海天半昏城映紅霞月初吐鷓啼吏散燭影中高  
齋坐來河漢空手驅白雲到蘭漿便令滿座生春風  
諸君總是煙霞骨方生名理復不乏他年相約華陽  
顛洞口松蘿儘堪結既尋雙樹乞真言并向五龍傳  
睡法而今且自混風塵此物終屬英雄人

贈陳道醇

陳生侏儒不足數骨相么麼氣食虎前身上帝之弄  
臣香案前頭歌且舞羣真粲然啓玉齒天門散花笑  
諸女偶騎黃鵠離瑤京下來人喚東方生看君聰明  
真絕世談仙說佛往往精近與異人傳要眇乘風同  
試蘇門嘯雲暝松陰猿獨栖月白天空鶴雙叫嗟予  
作吏營丹砂與君有分卧青霞何處英雄是退步杳  
逢不用問桃花

贈張長輿

吳王霸氣開東吳山川北走雄太湖茫茫二萬六千  
頃洪濤碨擊青天孤黃浦入海連蓬壺人文往往秀  
菰蘆雙龍歿去海水枯楊侯夜出沙鳥呼元氣翕蕩



蘇後來精靈無代無卽今復見張長輿才名東  
夏天壤俱五嶽四瀆盡向毫端趨我昔漁釣東海隅  
讀君之詩美且都思君望君不異紅珊瑚一見把臂  
同踟躕酒酣睥睨空萬夫振衣大嘯心神麤天風况  
復來相扶雄豪千載歸吾徒君不見吳王劍石白日  
徂至今古血青模糊

王余峰爲其友人崑泉居士索詩輒爲賦之

王君自是煙霞客風骨稜稜雙眼碧修真半百棄諸  
生青蘿掩門拒大石閑房坐卧虎亦守深山采芝人

不識更言道友老巖泉林扉結伴經多年手持緗素  
道名字向余乞取瑤華篇余乃風塵人勉作煙霞語  
古洞靈源出神漢深松倒挂多仙鼠王君勝氣亦勝  
情廿年自愛空山行獨放此人叩林屋王君策杖長  
相迎更無鄰舍分煙火只有林猿聞嘯聲

山中吟

我家海上之青山山頭白雲時往還藤梢細月行花  
裏水濺空巖洒竹間仙源有路春長入石屋無門夜  
不關踏花只共野人語蕩槩真如沙鳥閑自從奔走



江南道馬蹄半入紅塵老生平耳目非我有俯仰眉  
嫵向人好歲月其如石火何却逐浮名喪至寶昨夢  
丘中人題書寄深省既報青山空復言白雲冷山空  
雲冷胡不歸荒猿叫破秋天暝四明迴合無風塵入  
窓高敞開星辰洞簫泠泠響空碧凌風一喚樊夫人  
樊夫人偕雲華不知何年栖紫霞十洲三島俱爲家  
粲然忽啓玉齒笑笑我不歸寂莫羞桃花桃花爛熳  
紅映天垂楊婀娜春風前野麝亂飲幽澗水仙鼠倒  
挂洞門煙偶因騎馬衝泥去憶得鋪花掃石眠

題范太僕天平山圖

太僕先生文正孫青山結伴遊吳門文正雖亡靈氣  
在高墳磊落枕山根太僕不忘桑梓地歲時來自平  
原村墳前酌酒蒼苔石落日登山望秋色崖撐樹樹  
蘸湖青雨洗峯峯插天碧亂雲飛去茅屋孤空林無  
人啼鳥寂先生策杖凌高丘竹外花間事事幽仍驅  
此山入筆研誰當畫者顧虎頭煙霞片片如可拾墨  
氣淋漓黯不收我本山中麋鹿性何時共踏青松逕  
石湖無風水如鏡



白梅集 卷之二 十三  
虎頭孫子歌贈顧仲方秘書

虎頭孫子顧仲方意態蕭閑風骨蒼與到裁詩灑蘭  
雪有時落筆寫林塘花前玉缸亂壺矢醉後雲煙忽  
滿紙令我對之心茫然如在千巖萬壑裏江南脩竹  
多名園顧君好客如平原蘭橈朝泛湖雨歇桃笙夜  
奏山溜喧竭來日日侍金華揮毫染翰爛明霞長安  
遂比兩都貴 天子猶將三絕誇入隨鳳輦千花映  
出傍龍池萬柳斜歸來開尊宴佳客宮燕飛盡啼城  
鷓與君吳門本舊識今日燕臺復相暱秋風吹人秣

扇哀八月天寒露華白流光如此可奈何一曲銅鞮  
酒一石

赤帝玄夷歌贈黃白仲

赤帝玄夷授神禹九州茫茫入疆理奇形寶鼎知神  
姦玉札金書藏宛委越王勾踐提風雷壯士臨江羽  
騎開天挿石帆春樹擁雪崩羅刹暮濤哀錢塘蘇小  
油碧車夷光明妝行浣沙香銷南國畱江草土蝕西  
陵空暮花伯圖王氣遞相送秀色娥眉亦何用千秋  
英爽歸人文才子金看黃白仲白仲才何高華秋水



澄其波芙蓉揚其葩長松千尺壓巨石飛瀑百道灑  
明霞去年杖策遊吳會淋漓彩毫空六代憑陵酒家  
殊未央睥睨侯王太無賴狂呼踏上謝公墩大江疎  
雨斜陽外今年慷慨尋燕丘風沙茫茫四望愁昭王  
死去古臺冷馬骨千金棄不收時清豪士無所用惟  
有醉卧胡姬樓余亦低眉在閑局繡澁刀環野苔綠  
曼倩金門終玩世子雲玄草未諧俗馬蹄嘖啞何爲  
手與君放浪琴與筑漁陽三搥梁州一曲青天爲低  
白日不速斗斜河轉明月盡請君登堂剪紅燭

寄左司馬汪伯玉先生

上帝之居何陡絕雕牕繡柱金爲闌桂旗芝蓋光有  
無白雲戍削紅雲結日月不照雷霆低刮風吹冷天  
門裂中有靈人掌香案綵筆淋漓走飛電校書夜直  
寥陽宮草詔晨登鬱蕭殿偶然騎龍下清都仙才霞  
氣控瓊琚金箱大嶽玄夷錄玉版名山委宛書鑕羊  
赤鵲神靈識海鳧龍鮓玄鑿虛片片春山林青黛冷  
泠秋水嬌紅蕖文章劈海破高浪勲名復在雲臺上  
司馬英雄治五兵黃石素書天莽蕩朔雪并刀擁建



白梅集 卷之二  
牙胡風代馬親乘障身兼數器驅寰中眼前君與瑯  
琊公千秋名成髮漸短七尺氣在心轉空條然訪道  
襄城去一日竹杖凌煙虹

贈龍君善

洞庭龍子矜國色秋水芙蓉照天碧涇陽小兒太無  
良坐使靈人委芳澤落日浦口來牧羊巾袖慘澹波  
臣側江花野草俱含情霧鬢風鬟啼不得君本高才  
美丰神衛家叔寶傾都人不作昂藏虎觀客却令握  
齒馬蹄塵去年相見清谿曲水盡天空飛屬玉青翰

舟中采射干白鷗沙上醉醺醺今年復遇燕市旁壚  
頭月出天蒼茫英雄結交在意氣腰間靖看雙魚腸  
秋夜同郭舜舉蔡伯華王季孺金玄朗詹政叔

燕萬伯修宅聽李金吾彈琵琶

城烏啞啞起暮色秋煙捲盡寒河白銀鞍寶馬大道  
平夜醉雲中豪士宅雲中豪士生窮邊空城罷馬無  
人煙疾風長逐狐兔走大雪獨擁弓刀眠結髮戲入  
焉支陣撻金伐鼓彈鶻絃中年釋褐在禁闥雄心不  
除氣逾烈頭上千秋壯士冠胸中一斗英雄血家僮



盡解隴上歌有時自按伊州闕  
臙雞膾鯉羅碑磔客來總是荆  
高徒醉試騰裝插羽箭狂呼擊  
劔連長安踈星乍低紫匱匝華  
燭斜映紅氍毹須臾金吾理新  
曲調絃移柱風簌簌滿堂賓客  
不敢喧野曠天高絕沙漠一再  
落指何泠泠輕霞細月入宵冥  
瑤臺神女凌空度桂旗芝蓋從  
羣靈碧雲無聲杳然去松頂天  
風墮鶴翎忽然急節響鏗鎔萬  
馬千兵行颯沓笳悲鼓咽虜氣  
陰日落沙昏陣門合瞥地蕭間  
神氣夷淙淙澗水流迴谿青樓  
小婦作情語欲吐不吐整金篋  
無端更寫千秋恨却似明妃初  
嫁啼人在何物稱快意昂藏不  
減丈夫氣除却雲臺立大功便  
從石室書名字不然花前有玉釭  
爛醉彈絃倚豪士安能局促五  
侯門低首攢眉向天地

排空歌贈余宗漢山人

君不見天漢西轉黃河東流四  
時寒暑遞相送五星日月奔不  
休响嘯崆峒精光磨滅亦已矣  
玄夷白澤靈怪茫昧而難求又  
不見北邙之陽西陵之陰喪車  
朝出歌鐘夕沉香澤去體螻蟻  
來侵牛羊不識王侯



翼斜煙踈雨鬼嘯林丈夫眼中一斗淚此時不聽雍  
門琴余夫子少年負斲弛雙目營千秋一官困百里  
感此何茫然寒灰寸心歿車耳虎子安用爲一朝挂  
冠稱處士放浪湖海茫無涯浮生到處乘枯槎口吞  
采石磯頭月足踏蓬萊峰頂霞彩毫南國書題遍爛  
醉長干卧酒家去年大叫黃山上聲谷天風萬松響  
不衫不履驚市人識者云是全椒長今年悲歌燕市  
來淖沱易水濺濺哀四顧無人野煙白仰天慟哭昭  
王臺華屋朱門不一盼五侯七貴如浮埃散髮走入  
西山裏目掃黃葉眠蒼苔吁嗟乎人生迫迓苦網羅  
跳身物外堪婆娑以君昂藏凌雲氣聽余磊落排空  
歌相期天門躡飛電下視海水揚白波下視海水揚  
白波雖有紅塵奈爾何

題李龍眠畫十八學士圖

太原將種自真主龍顏秀異氣食虎英雄莽蕩扶日  
月嶽瀆精靈走風雨當時磊塊十八人一收來天  
冊府紅雲紫氣浮咸陽繡柱珠簾開玉堂秦王不時  
賜清燕諸公暇日多徜徉堂上伶人進鼓樂堂下稚



子羅酒漿彈碁六博神仙戲篔簹阮咸海濤沸狂呼  
轟飲郇公厨異品甘香大官味須臾內侍出瑀盤雪  
藕紅梨雜丹荔諸公睥睨空河山一翁醅醕零天地  
更有散步涼風前息影幽棲大樹邊似是有官心不  
染山林之韻何蕭然高梧垂楊冷陰合門外馬蹄何  
雜沓草色青青大道平荷香冉冉清池匝當場授簡  
各自誇袖中爭握白榆花兒童厮養饒樂事偷彈座  
上雙琵琶一片壺冰世希有名字南箕與北斗文章  
不乏揆天才廊廟還輸經國手入排金闥獻密謀退

坐玉堂飲名酒丈夫時來則如此天際浮雲爾何有  
華屋高蓋人所賢蓬累終身亦不醜龍眠居士龍爲  
徒落筆矯矯煙模餽點染不數閣立本我披肅肅神  
氣俱旁人盡道神仙客爲仙不足官有餘嗚呼我欲  
喚起老居士爲我再寫一幅四皓商山圖

石雪山人歌寄贈汪長文

石雪山人太高潔碧山無雲石如雪撐崖鑿室青天  
陰路插天門開陟絕朝曦暮靄非一狀盡取千峰作  
屏障海月倒挂大雷西石磴斜盤四明上衣裳夜染



空翠濕曉日登樓亂煙入門前飛霞真可餐竈下流  
泉不用汲山花斑斑映綠萸蘿曲曲抱青谿經年  
人跡往來斷惟有荒猿春夏啼山人屢月不出山自  
言學得五龍眠白晢鬚眉朗可數隱囊紗帽何飄然  
有時閑踏雪峰去人道逍遙鶴上仙更尋丹檢玉笥  
語深入靈巖捫洞府風吹空穴窺玄熊月黑長林過  
蒼虎買田谷口耕胡麻當門繞舍種桃花散髮追涼  
坐河漢采芝歌罷驚煙霞高人體氣清絕有如此使  
我低頭浩歎悲年華

寄贈楊伯翼

四明山中多異人楊家伯翼稱絕倫口吐清池玉齒  
齧身是上界金麒麟少時相見卽相好雙龍颯颯如  
有神青天共蕩木蘭槳碧波不動桃花津自從束帶  
趨簿領一別江沙白鷗冷偶讀南華浩蕩言頗傷石  
火須臾影豈有河陽潘令花浪說丹砂葛洪井楊生  
笑我塵沙裏那得便領煙霞境饒他五陵八百人且  
占太湖三萬頃楊生楊生磊落姿相思不異璫樹枝  
久向名山藏姓字每于朗月見風期但使有心修白



業豈愁無地種青芝

青霞山人歌爲王受吾

青霞山人清若冰山空霞起朝爽澄文蒸翩翩秀五色多才往往人嗟稱博物好古總竒絕四十意氣何凌兢夜捫吳劍山雲黑曉讀秦碑海日升毫端妙手如王獻畫裏新詩壓右丞長安不聞天子呼醜醜只醉黃公壚前年北邊飲酥酪去年南海探珊瑚千峰半踏馬蹄裂百壺欲吸海水枯歸來不住青山宅翻然復作五湖客江月湖煙亂入船落日無人晚天碧

與余相見宿所諧入門放杖脫芒鞋不取雕龍佐名理止留繡佛伴清齋吾今心已在煙霞五嶽三山總  
是家萬事君應付寥廓一官吾自悲年華門前綠竹堪銷暑池上紅蓮欲吐花

于燕芳年二十以布衣上書自稱華亭民余讀未竟色動亟命召入相見信有正平之才索予以長牋荅之不許復索長歌又不許無何折節閉門讀書不與外事者三年余聞而作此贈之



于生二十才嶙峋芒鞋布帽行風塵手握靈蛇動光  
恠上書自稱華亭民有才不減禰處士登堂長揖驚  
衆賓禮貌陳野氣豪逸令君大喜門吏嗔漁陽摻搨  
真絕調捉刀那有牀頭人于生于生太骯髒讀君之  
文高破浪瘦馬稜稜在骨竒世人齷齪多皮相聞君  
折節方下帷竹房山路回風吹請看黃石橋邊叟莫  
問淮陰市上兒

留別元美先生

王夫子棄官學道如長史秀骨朱顏編貝齒姓名久

注上清籍人間鬢溷風塵耳少年綵筆亦太橫急峽  
驚雷一何駛出語穿天心蟠曾絕地紀平生那得有  
不知磔裂元氣鴻蒙死力掃千古把一麾不是仙才  
寧有此一領瑤札從雲華眼前萬事如空花楚楚星  
冠與雲履飲以天酒飯胡麻夜來笙簧滿空碧羣真  
携汝宴茅家茅家三君各治一峰上汝亦有弟耽煙  
霞羨君鶴駕終排霧笑我馬蹄空踏沙踏沙去去雪  
霜重落日荒荒大雲凍朝向紅塵行暮作青山夢人  
生性命不自了鐘鼎浮名亦何用赤松雲房知我心



白梅集 卷之二  
定須訪爾華陽洞

南滁大雪歌

昨日何日故人一尊虎丘月今日何日馬頭十丈南  
滁雪昨日何日金陵管絃喧酒家今日何日關山石  
裂穿寒沙從來雨雪多江北回首江南淚沾臆所以  
古人惜河梁昨日之尊那可得西風太有權濁酒都  
無力冷如鬼手捉馬鞭狐裘蒙茸亦何益寒山日落  
牛羊眠往往茅屋見人煙茅屋人家絕可憐黃茅颭  
出青松巔自住山上屋還耕山下田童子撈魚谿水

邊女兒賣酒工數錢二家五家自來往年深不問城  
市遷門前雪花大如手萬片瓊瑤寫枯柳火煨楮  
啖蹲鴟藜羹麥飯地黃酒生遊歿葬寒山下一生不  
向長安走而我胡爲冰雪中馬蹄踏破行千峰繁華  
富貴轉眼空山中之人笑殺儂

贈王季孺孝廉

王君蕭疎才本僊手驅不律空蒼煙峨眉寒積千年  
雪太華香生十丈蓮去年采真向閩粵大王峰頭卧  
明月珠光曉燭龍子宮水氣夜含神女襪醉呼九仙



下瑤京青天無人墮紫笙洞口雲封丹竈冷竹間花  
與石牀平歸來秀句滿縑素衣裳猶然帶雲霧似煉  
金骨乘雲行不飾蛾眉取人妬花驚葉動空山長鳥  
去猿來只醉鄉子微天上占仙籍許磻人間作酒狂  
萬事蒼茫何所戀馬蹄盈盈踐霜霰曼倩應爲漢帝  
來紫泥白日鞭雷電侏儒公卿無等倫窶數守宮何  
足辨親隨龍輦上秋河笑弄鶯花踏春殿待詔金門  
十八年相期終在寥陽見

長歌行贈萬丘澤武選

長安日暮焚蘭膏壚頭相逢鴈門豪鴈門豪客文武  
具意氣直欲凌秋濤談天炙轂富才藻自言耻作揚  
馬曹十石甃弧插大箭五花龍紋拔寶刀朝逐胡雛  
行首宿夜迎俠客傾蒲萄邊聲蕭蕭朔雲滿雪落關  
門繡旗捲看君有才復有情好聽悲絲與急管白猿  
黃石何縱橫紅燭青娥復宛轉軍中倚馬不足陳牀  
頭捉刀差快人偶然得之眉睫下一笑便將肝膽親  
嗟余空騎紫騮馬平生不踏長城下身如芸香老蠹  
魚咿嘍刺促胡爲者自顧何物堪壓卿執鞭相向人



白梅集 卷之二 十一  
所驚男兒須眉蔡澤是英雄膂力要離輕激昂風雲  
赴然諾惟餘一片古人情

彭城歌贈姜使君仲文

使君握節何瀟灑七尺芙蓉五花馬青年早貴知不  
希白雪高歌和者寡一片雄心楚水西千秋俠氣彭  
城下彭城山川楚故都楚王叱咤空萬夫酒酣拔劍  
斫海水六合股慄來相趨事雖不立良已矣意氣自  
足傾吾徒彭城北走連沛上萬里寒雲起芒碭當時  
漢帝湯沐宮擊筇歌風氣何壯大殿今爲灰高臺自

無恙吁嗟使君來此城豐沛父老稱神明文韋吏治  
兩多暇登高弔古曠未平山川不逐英雄去日月尚  
掛英雄名去年經過此霜月濁河湯湯野風烈使君  
置酒戲馬臺楚歌楚舞儼相列眼前霸氣銷白煙抵  
掌雄豪向余說西園飛蓋夜蒼茫北斗孤城天陡絕  
使君白晢婉清揚余也眇小文弱無所長兩人相得  
不解事激昂往往橫大荒綵毫汝奪天孫手七首余  
懷烈士腸綵毫物所妬七首余將藏待君了却千秋  
意然後相尋五嶽旁君不見張子房



白梅集 卷之二  
沛縣登歌風臺弔漢高祖

彭城沛邑漢帝宮山川峭拔風土雄三月驅車猶烈  
風高天捲沙白日蒙牛羊散野城郭空我來不見隆  
準公但見平原草綠寒花紅隆準公英雄哉亭長去  
帝王來去時蕭蕭提一劍來時千騎萬乘驅雲雷椎  
牛置酒燕湯沐黃屋左纛虹霓開前殿歌風氣逾猛  
後宮擊筑聲復哀百官歡呼父老醉酒酣日落登高  
臺當時王氣收豪傑霍然起他人裂土握重兵公也  
蒼皇奔迫不得止須臾劍光奮義旗指函谷一破子

嬰歿鴻門不能驚巴蜀不能喜黃石爲之用白帝當  
之靡韓彭如狙項如豕往來大業五載耳世上英雄  
有如此吁嗟乎咸陽宮殿空蒼煙彭城故都無墓田  
神州赤縣掌上懸公也歸來奏管絃管絃歡娛歡不  
足急雨飄風一何速沛上山河已非漢邑中父老死  
相續故宮曾無片瓦覆藤蘿倒挂野人屋歌風之碑  
煙霜磨滅不可讀遙望芒碭鬱乎高丘青天不動黃  
河流大雲垂垂幕其上龍蛇虎豹紛蚩尤千秋萬歲  
後冤氣當來遊



任城登太白酒樓

任城東邊濟水頭垂楊南陌鳴鳩鳩王孫三五騎紫  
騮嬌女二八彈箜篌竹葉到手那復留桃花向人勸  
未休高城富貴多王侯駙馬都尉大長秋羅衣朝暎  
珊瑚鈎寶扇夜上木蘭舟繁華零落隨蒿丘姓名滅  
沒不可求白也一爲脫綺裘任城至今存酒樓當曾  
磊塊六合收絲毫淋漓元氣浮憑欄雙目送汀洲滄  
溟浩蕩齊州一點如輕鷗手持北斗大酌銀河流織  
女渴死黃姑愁樓中之人去不返樓外斜陽又將晚  
青天碧海無人管繡箔珠簾爲誰捲江頭墓花野風  
浣估客登樓月光滿依舊金尊催玉板使我對之心  
欲斷人生何疾箭何爰奈何不飲仰天蹋地成悽惋  
吾聞紀叟善釀埋土灰千秋零露生荒苔日月不照  
松花開人間已銷金雀釵地下仍餘鸚鵡杯鬼燈四  
滅白揚颯颯神火來公與何人沽夜臺公乎公乎喚  
不回酒樓愁絕空崔嵬

劉御史歌

丞相怒烈士戍驄馬來烈士災陰風蕭蕭神靈哭不



止黃沙荒荒烈士死吁嗟乎劉御史遼陽天黑白日  
沒下有狻猊上有鶻磨牙鑿齒據其窟山鬼不敢弔  
河伯不敢出妻子那及收骸骨嗚呼噫嘻何人殺孔  
融何人殺臧洪男兒出身報天子俛首屈死蓬蒿  
中雲旗獵獵紅滿空天兵下來衝煙虹將軍十道開  
寶弓誰當迎御史上帝特遣關龍逢關龍逢握公手  
釀天河挹北斗拂公塵埃飲公酒人間嶮巖天上否  
遊戲白玉堂逍遙黃金牖椒山青霞亦公友自公去  
矣廓氛霾天清地朗日月開墓前銅雀化爲灰塞外  
金雞謫戍回公不在矣使我心哀我哀何爲公不答  
仰視高空寒颯颯白雲蒼茫九關合乾坤較轉人事  
遷天子下詔褒忠賢鬼蜮射人虹霓障天殲我烈  
士古路邊榮以大官寵大篇子孫仍賜綿上田蕙殺  
桂醴焚紙錢年年寒食墓門煙

去婦歸爲趙汝師太史作

顏陽有回照寒花發故枝明鏡破復合勝于未破時  
妾顏如芙蓉妾心如兔絲自從結髮事君子白日黃  
河兩相矢芙蓉窈窕爲君憐兔絲纏綿爲君死鴛鴦



交棲蓮並頭翡翠雙飛木連理雞鳴起視夜明星尚  
在天挑燈事膏沐對鏡理釵鈿班氏長辭輦樊姬不  
食鮮爲君織綃雙燕下爲君拂枕百花前只道恩深  
無以喻詎料蛾眉有人妬傾城色進漢帝踈掩袖讒  
工楚王惡黃金賦冷坐閑門紈扇歌哀委中路含情  
含恨下階行收淚收聲出宮去雕楹朱戶生青苔襍  
珮寶釵捐土灰金箱宛轉疊文錦銀鑰歲蕤不忍開  
敢望凌波踏春殿自分鉛華掩夜臺頃刻桑田變滄  
海時移運轉讒人敗日月下照妾心明雨露不改君

恩在迎妾香車映紫駟賜妾玉環飄繡帶登君之車  
入君堂使妾感泣涕成行重歌桃花五明扇重上珊  
瑚七寶牀即使紅顏化枯骨賜環之恩那可沒

彭城姜使君邀登蘇子瞻放鶴亭作

彭城刺史龍爲友文章斫地擘天手手提招搖弄北  
斗大叫滄溟萬山吼所至蹤跡落人間嶽瀆風雨輓  
轆隨公走鴻濛元氣日告罷羲和六龍在公後竭來  
高卧黃茅岡賦詩載酒傾秋缸綵毫十丈五丁鉅靈  
不敢扛斷岡裂石鑿亭子勁風蕭蕭開八牕長河煙



銷落日紫鐵笛乍起魚龍撞呼來碧海月千頃目送  
青天鶴一雙自公神遊去八極雲旗芝蓋無消息亭  
今兀兀吞寒煙鶴亦茫茫墮宮碧霜花不蝕蒼崖碑  
知是山靈護真蹟時移代謝浩劫灰我與使君今復  
來一日蘇耽棄我去千秋華表令人哀有酒空澆亭  
風又綠巖前苔山崔嵬水滌洄弔古興衰徒  
爲一曲斜陽送一杯與君爛醉白雲堆

白榆集卷之二終

白榆集卷之三

東海屠隆緯真著

七言古詩二

公子行贈宋西寧忠甫

邯鄲雕牕結文綺上客從容躡珠履何物盤跚複道  
行當樓一笑美人歿大梁錦席登華軒公子自起迎  
夷門路傍劔客願勿頸宮中娥眉解報恩易水壯士  
偶一言金盤擎出玉臂寒仰天氣觸白虹交送姬七  
首血不乾淮南好文復好道八公風霜挾鴻寶雲中



雞犬去不回藥竈空存桂花老西園飛蓋引應劉高  
臺置酒彈箏篴彩毫煌煌照千古鄴都零落漳河流  
邇來一一推王孫圖書滿架生灰塵歌姬變童閉門  
坐布衣投刺典謁嗔梁肉但飽廝養卒結交那有賢  
豪人華轂朱輪紫駟馬出入輝光驚四鄰眼中西寧  
差快意玉帶貂蟬誇早貴二十秀雅如諸生翩翩大  
有凌雲氣稱詩作賦耽典墳好客留賓開邸第田蚡  
安肯容灌夫孟德猶能殺鼓吏狂生罵座君不知醉  
看孤燭光淋漓長者寧辭親結襪貴人却乃羞低眉  
大梁諸公死去久寥寥千載見風期

薊門行贈顧益卿使君

薊門日落大旗赭疾風捲蓬雪鋪野健兒夜走淖沱  
冰寶刀血照蒲梢馬焉支慘澹牛羊稀胡人聚哭陰  
山下使君行邊今李牧威名昔年著南國十萬樓船  
清海恠長戟短兵風雨速一朝提劍驚西來父老關  
前拜羽纛牧馬匈奴畏近邊風煙不動壯士眠一自  
龍堆卸金甲便從虎帳開瓊筵空霜地白暮天霽城  
寒戍壘月痕細騰裝插羽下南樓急管哀弦復西第



粉面妖童歌十行鐵騎貔貅舞千隊揮毫自草篋  
篇紅燭淋漓客皆醉白日難銷俠烈心黃雲不壓英  
雄氣五陵三輔奔車輪幕下盡是賢豪人湯生茹生  
自我輩宜城一石空千春若爲望去思瓊樹恨不同  
來吐錦袍吁嗟乎薊丘崩頽樂毅歿穀城荒涼黃石  
逝廣武一歎秋雲駛紛紛成名徒豎子眼中英雄使  
君耳丈夫出處何足言爲龍爲蛇亦偶然君今畱卧  
邊頭月余也歸耕海上田曾授靈書二十四昌蒲紫  
花封洞天他年好待驂鸞鶴接汝嵩陽玉女巔

青谿道士吟畱別京邑諸游好

青谿道士餐白石掃地焚香坐空碧月映蒹葭秋水  
寬雪覆楫攔暮雲坼山深路僻無人煙沙冷天空留  
虎跡可惜一朝不自堅來作清朝闡省客烈日騎馬  
掘堞中搔首乾坤嗟迫迮下筆連蜷雌蜺氣吐口天  
矯丹霞色雄心不除俠骨存十年學道亦何益何物  
美器橫相加藉藉聲滿長安陌長安大道連平沙王  
侯戚里紛豪華銀臺畫閣二千尺繡箔珠樓十萬家  
省郎卜居窮巷裏車馬趨之若流水爭設瓊筵借彩



毫朝入西園暮東邸  
擢辭盡道李王孫  
執轡皆稱魏公子  
主人轟飲醉向天  
淋漓紅燭落花前  
銀漢半斜沉夜析  
繁霜歌罷彈哀弦  
有客醒然不御酒  
獨擁香爐對暝煙  
吁嗟乎美服人所指  
器盈神理歿爲歡  
尚未畢含沙已在旁  
匹夫睚眦修七箸  
惡聲狺狺安可量  
子蘭讒屈平登徒毀  
宋玉謂奏相如琴  
未滅淳于燭禰生  
鼓吏慙未能幼輿  
丘壑無不足青天  
何高高白日去莽莽  
出門眼看北邙山  
令人萬事拋潏潏  
玉柙珠襦寒雨中  
金壘寶瑟高堂上  
不聞黃鵠遊沔池  
豈有神龍挂魚網  
我欲掩口笑古人  
古人英雄亦不

達子房赤松待興  
漢范蠡五湖須霸  
越卽如濛莊與灌  
園安用雲臺懸日  
月馬蹄雞肋空有  
無欲休卽休何所  
圖亦不用百官祖  
道集征虜亦不用  
君王詔書賜鑑湖  
一騎蕭然下風雪  
空壕斜日啼城烏  
耻爲執虎子寧待  
車生耳懶視張儀  
舌不問待詔齒是  
非野鶴騫孤霞恩  
怨金鳩擘海水脫  
我今日之紅塵還  
我舊時之白雲王  
績罷官同坐酒介  
推身隱詎須文風  
雷不能爲之驅陰  
陽不能爲之鑄胡  
鷹翻然掣金鎖



白梅集 卷之三 四  
碧落茫茫墮秋霧銅馬當年悔陸沉自憐黑髮早抽  
簪當門楊柳黏天碧繞屋松杉滿地陰故人他日如  
相訪萬樹桃花何處尋

桃花嶺歌爲楊太宰賦

東華妙炁結溟滓扶桑直接蓬萊頂上有縹緲金銀  
宮寒覆丹霞幾千頃海岱英靈產異人排空卜築桃  
花嶺回峰盤盤磴道斜天窓石扇開豁豁煙光不斷  
界飛瀑日色倒射含空沙黃栗留鳴紫磨出度索仙  
桃萬樹花仙翁吹笙桃樹底流水長天散如綺茅屋

惟聞雞犬聲疑在清都白雲裏世緣未了三事催一  
朝強爲蒼生起甦別羣直領百官斟酌元氣吹斗垣  
海內黔黎總按堵天下豪傑皆彈冠長安兒童識司  
馬澤國風雷避灌壇冰壺玉衡秋月朗致君直在黃  
虞上然後歸耕東海雲繡嶺桃花尚無恙君不見子  
房人中龍布衣取萬戶翻然訪赤松又不見鄴侯何  
突兀朝披一品衣夜抱九僊骨我翁寬仁博大意豁  
如混茫滄海涵太虛清德古來掩胡質長者寧獨稱  
魏舒長髯玉貌天人表姓名定列丹臺書



送顏質卿舍人同詹政叔登泰山

大地奔騰元氣積岱宗崔嵬帝座逼千盤萬轉走紆  
迴天門倒挂銀河側碧殿鐘聲落暗波扶桑夜半海  
霞赤野草寒雲御路平七十二君留馬跡漢碣秦碑  
盡莽蒼金函玉牒無消息上界笙簫嶽帝聞桃花雞  
犬住元君煙霞昏曉山川合雷雨陰晴天地分舍人  
道炁羲皇上詹生伎骨何骯髒兩君結束名山遊大  
叫天風驚海浪靈書神物經千秋七首虹光高十丈  
五松涼泠暮濤哀龍鱗剝落空蒼苔鉅野蕭條散青

靄使人對此雄心灰我昔自署冥寥子奈何風塵困  
燕市緘題曾寄摩崖石波臣動色山靈喜卽今胡鷹  
掣鎖來布襪芒鞋行萬里早晚携筑到上頭尚平五  
嶽從茲始

贈謝仲毓山人

雙鳧翩翩青谿濱後車之載多俊民自謂已傾江左  
彥那得復有謝山人山人魴魚獨在後諸君豈是陽  
鱗倫扁舟斗笠水滸潏煙濤茫茫不可索卽今相逢  
逆旅間濁酒荒城意寥廓伊余逸氣凌紫霓偶落黃



塵驅馬蹄身是石室金臺物名與青蓮賀監齊含香  
婆娑在間局安能低眉老刺促燭短更長雁柱聲天  
寒日落烏栖曲一朝挂冠歸水雲采石茫茫鑑湖綠  
山人鬚眉何軒軒新詩秀絕清心竟入門把臂嗟何  
晚北斗歷亂明星繁畏途吾喜抽身蚤青山獸抱煙  
霞老汝本布衣在丘壑胡爲齷齪長安道歸來好及  
春風前共躡金庭拾瑤草

贈別鍾公旦文學

潞河層冰野風烈日落空城暮飛雪寒燈濁酒四壁  
孤饑鳥嘍嘍雁淒切何者美人被褐來入門月朗青  
天開長嘯懷中出片刺自言家主越王臺少年干時  
不得意黃塵一道漁陽騎燕昭墓下十載栖督亢亭  
前幾回醉逆旅相逢意氣真披肝各許賢豪人君舞  
魚腸猶芥蒼我辭雞肋已沉淪看君雄才骨法好談  
笑風雲致身早鳳吹低臨御路長龍旗高捲華清曉  
四明狂客高陽徒長安十九臥酒壚一朝含沙起尊  
俎詔許黃冠歸鑑湖二足揚帆五兩速春風吹空海  
草綠故人他年倘見尋白浪湖舫暎修竹



題王諫議家畫五大山水歌

砥柱

真宰簸弄元氣奔天漢倒瀉崑崙翻洪流蕩滌礫六  
合鬼母夜哭神姦昏日月五星驚鄂跳不止妖蛟老  
龍拏雲攫雨而騰騫自從玄夷蒼水授金簡龍門一  
鑿開河源况復鉅靈擘大嶽石勢中斷高掌存建瓴  
激矢走溟渤欲旬滌森看無垠雍州百二壘空耳目  
光眩瞶推心鬼乃有一山突兀陟絕立水中似從天  
門閃爍乘陰陽霹靂而歛化砒崖削壁劊剛風波濤

四面撼其下有時黑雲黃霧罩六幕萬本號嘖峒杳  
冥栖鶻夜半數驚起神靈羽蓋不敢停忽然廖廓四  
開朗孤峯露出控晴沙頂吞皓月根盤丹霞鮫室嵌  
瀕洞石扇浮谿舒瑤姬龍女杳然去水碧天青空岸  
花吁嗟乎上帝豈好怪操蛇之神弄狡獪千秋安問  
礪與帶中原變幻尚如此何况蓬萊五山瀛海外玉  
君盡此生綃中時時風雨響泮泮王君王君無乃自  
寫其胸中之磊塊

洞庭



洞庭空濶浩彌彌元氣混茫不見底波濤怒挾天漢  
流吞吐荆南六千里春風拍浪開桃花萬片帆檣疾  
于矢但聞鳥啼猿嘯兩岸空霎時天地如鴻蒙其上  
有巴陵黃鶴控巫峽樓臺掩扶摧天風仙人下來瑤  
席冷綃衣玉佩朝霞紅竹杖青蛇望空舉綵雲西沒  
橫鯢鯨其下有水府深黑不可見乍有乍無光閃電  
洞庭龍君珊瑚牀軒軒高坐凌虛殿武夫虬鬚氣若  
雲嬌女風鬟淚如綫何人乘船吹鐵笛急節崩騰響  
裂石轉入湘娥寶瑟聲月滿蘼蕪水痕碧令人對此  
雄心降好着青天一釣艘我欲領取水雲十萬頃鵝  
鵲屬玉飛滿窓

金山

大江滔滔流日夕控壓乾坤盡南北潮湧千帆瓜步  
青雲連萬樹揚州白何來小山一點浮虛空吞江截  
浪開琳宮細路半壁生海月高窓四面來天風塵氛  
杳然夏無暑靈境不與人世通岸圻沙崩大石走深  
潭龍起鼉鼉吼洪波欲捲孤峰去黑霧黯灑亦何有  
須臾天朗青黛出歷歷松杉抱寒溜老僧禪房都不



白梅集 卷之三 九  
局夢花倒垂煙巒冥挂衲猶畏鶴巢冷洗鉢似嫌漁  
浦腥日暮踈鐘度空水談經說法龍女聽吁嗟乎長  
安紅塵高十丈吾已拂衣游澹蕩埋憂地下寄愁天  
上好携雞犬住此山與到乘船踏高浪

錢塘

羅剎江深萬波集兩峰橫束海門急八月銀山雪屋  
來陽侯辟易天吳泣高城欲捲大地浮餘沫直濺青  
冥濕鴟夷白馬夜濤中鰲身倒翻列炬紅却如疾雷  
碎轟破山嶽五丁六甲雲旗獵獵火滿空又如水犀

強弩大戰乎江上萬面疊鼓鼓耳逢逢吳兒弄潮凌不  
測出沒來往若梭織豈是神人鞭石足踏鼉鼉梁天地  
浮生輕一擲萬家井竈帶西陵白骨寒沙勾踐營昔日  
雄圖悵何在隔江斜月斷霞橫無恙布帆白如雪行  
人送盡暮潮聲淘洗千古英雄氣濁酒漁歌一葦輕

灑灑

巴江挂天大雷吼石轉沙迴急峽走白虹萬道斷復  
續偃樹垂蘿厓壁陡天寒水落象馬堆怒濤噴薄松  
聲哀兩岸羣山不留睫孤帆擘空如箭來煙棧冥冥



沒鳥羽龍氣吹波晝多雨朗夜高江涼月奔峽女嬌  
花碧霞舉輕舟浩蕩凌大荒榜人擊汰復鳴榔日冷  
青楓天際坐叢薄蕭蕭猿叫霜估客迴沿浦口宿水  
痕斜對廟門一短衫窄袖隔蓬窻莫唱青谿小姑曲  
蜀道巴江險口天下無安能千金抵一壺西冷若耶  
如鏡鋪畫橋游舫連城隅歸來兮清尊嫋嫋開紅蕖

潞河贈別蔡參軍孺觀

君不見五斗學士號醉鄉日給美醞供徜徉白眼睥  
睨輕侯王翻然挂冠坐酒過東臯歸去弄斜陽又不

見青蓮逸氣橫高秋花牋彩毫金殿頭十一直華清  
十九卧酒樓內侍宮中成貝錦片帆一日凌滄洲我  
亦爲郎性落拓早罷含香問丘壑關河凍合阻行舟  
積雪寒雲下城郭感君此地結綢繆手挈玉壺慰離  
索故園啼鳩嬌春風歸家正及櫻桃紅布襪沙晴見  
麋鹿蘭橈水暖衝鴛鴻回首故人在遠道迢遞相思  
寄芳草藥裹關心萬事慵斲苓剗木蒼山老

顧朗生江左名流與余彼此相慕悅有年未嘗  
結託余在燕京座客常滿時朗生亦客京師絕



不相見比余被讒挂冠東去發舟潞河朗生提  
壺策蹇遠送河干且手出五詩贈別余感其高  
義賦長歌以贈之

余昔譚秣華陽館繡虎雕龍履綦滿出聯寶騎青絲  
長坐滅星河紅燭短布帽金貂總在門各吐肝腸鮑  
與管一朝投効謝朝雞尊空客散煙霜凄寒生襖被  
荒城暮獨宿孤帆野水西感君相送意何厚走馬提  
壺來浦口已欽高義凌雲霄更出新詩若瓊玖微雨  
纔清廣陌塵春風漸入河橋柳躊躇宛轉情無端令

人感歎平生歡世人並只趨蘭省君獨何爲問籜冠  
聞君家近延陵廟余亦將買梁谿擢男兒傾蓋在片  
言何況彈琴本同調桃花雞犬作比隣朗月青天共  
長嘯

留別萬伯修

長卿爲郎如曼倩闥鞞虛聲走寓縣玩世混俗了不  
營香爐絲筆金華殿四海望氣青雲高一夫含沙白  
日變交游扼腕稱不平酌酒相勞涕泗橫神理忌盈  
滿時俗妬大名乃有提章抗疏叫閭闔出門拔劔衝



白梅集 卷之三  
冠纓壯哉公等自雄快無乃俱非曠士情自從海客  
離三島洞門閒封白雲老牕中玉女怨桃花石上金  
函冷瑤草似是山靈解喚人仙源猶自不迷津鶴背  
竦身排紫霧馬頭揮手別紅塵風高三月黃河立天  
帆細雨吹空濕落日煙消沙渚平迴塘水滿鷗鳥集  
東南回首謝故人何處青天問斗笠

寄壽方翁

有引

方翁者余友衆甫之尊人也翁年六十萬曆十二  
年正月十五乃其生朝衆甫時新拜冀州牧歸而

稱觴

江南正月陽和回青天碧海無纖埃盈盈三五望舒  
滿九衢絲管紛如雷何者一翁披鶴氅芙蓉之冠高  
崔嵬仙人戲踏綵雲下游女逞凌香霧來水綠燈光  
映天酒雪消花氣吹瑤臺郎君拜官自丹陛五馬專  
城詫新貴花前玉板按低箏門外朱輪羅小隊舞罷  
蹠進九霞觴親顏夜染絳桃醉好風徐度白雲誼翁  
赫浮空千萬騎雲林書通許穆家萼綠親幸羊權第  
滿堂賓客不敢喧聽君密授長生言



九疑篇贈周淑南

古來南國多英靈山川奔峭不得停波搖神女雙環  
碧天入黃陵九朶青娉婷一去蒼梧冷月明時見衣  
裳影啼妝有淚水竹斑寶瑟無聲暮花暝九疑秀色  
何龍蓀文章往往含芙蓉屈宋而下代不乏朗如皦  
日照春松周郎二十工詞賦落筆盈盈花上露吟成  
白雪三楚香奪得紅霞二妃妬曾向荆王臺上游荆  
王臺下江水流汀蘭岸芷應相識峽雨巫雲不可求  
看君眉宇嬌淥水洞庭雲夢六千里峰巒曲曲盡可

疑朝光青青暮光紫文章變幻亦如此錢起湘靈從  
此始

長安元夕聽武生吳歌

出不願金絡青絲踏垂柳入不願繡箔雕楹對虛牖  
人生不聽武生歌百歲流年空飲酒武生眉撫橫春  
雲石家櫻桃何足論千人楚調誰堪和一曲吳歛總  
斷竟初疑絳河響流月再聽冷風舞迴雪欲換故遲  
聲轉媚繁音已盡意不歇秦家公主吹欲低洞庭女  
兒悲乍咽鴛鴦淥水浸明霞蜻蜒暮飛紅蓼花有時



娟娟入庭葉有時裊裊留空沙洛陽誤識金吾手片  
言不合翻然起誰家王孫喚得來對酒當歌月華紫  
生情生態世所無却令英雄寸心死武生莫惜宛轉  
歌爲君大醉金叵羅朱顏皓齒今不樂白日黃河當  
奈何

走筆答董伯念膳部

長安小兒聲啞啞當街大笑蘭省客清眉瘦面眉若  
山天寒衝泥委巷窄風高雪花大於手邊城蕭蕭亂  
雲黑油幕在首捉馬鞭仰視遙空凍欲坼人言盡省

爲仙郎寒林蕭竦風葉苦署中盡日煨楮布衾如  
水澆藤牀鼠啣殘冰雀啞樹老鶴暮影與人長董生  
有才朗寒玉相共淒清羌不俗一官雖冷興自佳不  
廢焚香與燒燭長安馬蹄未爲貴安得與君在驢背  
踏入梅花月輪碎

送鄒爾瞻給諫以言事左遷南比部

昔年批鱗氣昂藏間關萬里投南荒冰霜裹血身不  
死星虹抹劔貧無裝陰霾蔽天天慘澹鴝鷓畫出豺  
虎張時人爭欲借名字親朋那敢送河梁含沙吹水



白木集 卷之三 三  
瘴雲黑山鬼嘯月蠻煙黃須吏陵谷變墟井甍滅花  
飛雙泡影已拚白骨葬炎州誰道青春登華省香名  
滿世服美官祥麈威鳳人所歎婆娑可以致大位離  
憂無復挂眉端烈士由來心歎苦寧能優游坐公府  
夜半朝衣檢皂囊數進危言犯 明主幾日僊郎玉  
陛行一朝逐客金陵去金陵山川清且嘉六朝如夢  
空煙花閉門掃石看雲起野寺焚香到日斜

送范國士侍御以言事免官歸高安

上帝高居鬱蕭殿天官女史列香案桂樹夾路守蛟

颺車橫空繞雷電丹霞翠霧護玉清羣靈罕得見  
其間何物小臣亦戇哉挾書大叫天門開片言稜稜  
搖岳瀆 帝怒落職金銀臺君家舊住香爐頂瀑布  
銀河挂秋影野色踈花碧洞虛磬聲殘月蒼煙冷從  
容稽首下彤闈昨日繡服今布衣風高劔浦雙龍過  
雲斷瑤空一鶴飛殿中神羊詎不貴安能卷舌絕聲  
歎邇來豪傑多豫章曾君鄒君俱磊塊朝陽三鳳世  
所希青史千秋定誰在

春夜集潘士遠宅



王孫結客傾都城，并刀代馬獵胡纓。粉面虬鬚氣颯，  
颯白日義重黃金輕。雅量能容灌仲孺，肝腸輸與田  
先生。春城置酒候花色，午夜宮門月華直。盤中時出  
五侯鯖，座上應多萬里客。何人談碁稱國工，少年擊  
劍生雄風。亦有按歌調絕俗，更看作賦聲摩空。爛熳  
金波竹葉釀蒼茫，汗血桃花驄六街。無人月在手，戲  
擊天河撞北斗。君爲布衣無不宜，我視微官亦何有。  
紫煙滅盡夜轉佳，杳如空山坐寒溜。如此清暉不盡  
歡，明朝花落風雨寒。

弄臣篇贈詹政叔

紅雲崩騰白雲走，霹靂轟轟撞北斗。閻闔天門夜不  
關，六丁蒼老萬靈吼。喧傳上帝失弄臣，玉樓寂寞天  
女嗔。大索三界不可得，却在人世翔風塵。頭顱輸與  
魏公子，戲笑親筆郭舍人。偶乘馬蹄踏燕土，使酒無  
賴氣食虎唾壺。裂盡天地昏，如意揮殘日月舞。大醉  
搥碎黃金臺，長安市上觀如堵。嗟弄臣一何雄，俯吸  
碧海仰截青虹鯨。忽千金到手盡，模糊萬物入眼空。  
瞥爾論心有罅，羸當其失意。無王公人言骨相合，貧



白木集 卷之三  
賤不禁陽狂丘壑中世上束縛冠與履放爾沈洋自  
栩栩王母遭之亦解頤三尺鉅靈應識汝

贈董伯念膳部

美人家住青谿曲朝飛倉庚暮屬玉月明衆壑杳然  
空雨過羣峰澹如沐高低密葉暗山厨遠近踈花映  
茅屋玉洞長穿虎豹行石牀獨抱雲霞宿笑呼童子  
採青芝親見仙人騎白鹿生來坐占谿山幽寒松修  
竹風颼颼五色文心發靈籟千年秀句驚神州策罷  
天人直華省長安嘖嘖稱琳球風神散朗氣豪逸攬

雨拏雲一何疾生平不受魏其嗔少小好與田光暱  
出看廣陌飛紫驕入據曲房彈寶瑟花前潦倒金叵  
羅座上淋漓銀不律與余相見卽相投各吐肝腸挂  
白日世人心知良獨難九河三峽多波瀾君歌我舞  
亦足快臭味何論椒與蘭年年解道朱顏改夜夜寧  
辭紅燭殘

陸母太夫人壽歌

上元夫人朝玉京相期王母邀太清赤霜之袍紫霓  
旌青童口吹白玉笙瑤姬玄女寶幢迎甞來人世婆



白梅集 卷之三  
女行衣裳霞氣猶爛盈鍊炁服食餐雲英三度清淺  
看蓬瀛吁嗟神母合有子有子今爲柱下史前身或  
恐是李耳鄴侯風神待詔齒夫人今且住塵囂環珮  
曾趨絳節朝名花寶月當生朝仙人來奏白雲謠朱  
顏銀鬢宜春宵五花丹誥雙鳳翹夫人自有九霞綃  
堂上阿母瑟初鼓階下郎君豸衣舞世上榮華盡不  
數我欲爲君歌天姥

庚辰五月沈嘉則王百谷馮開之田叔見枉青

浦署作

五月炎歊海氣黑癡龍倒卷天河圻余呼九關上帝  
嗔疾風破山飛霹靂浩浩江湖不得奔手障百川泥  
沒邾六尺小臣筋力疲四十頭顱半欲白故人念我  
作吏苦同日相過同吐惜余病雖尪意氣麤便與雄  
談開玉壺日射青天紫煙滅筆搯五嶽羣靈趨諸公  
乘醉歌白紵大海况復來明珠吾鄉隱侯老祭酒布  
衣蕭蕭雪盈首文章縛虎向南山名字騎龍踏北斗  
近時天壤有王郎舌底縱橫繞電光落筆往往太綺  
麗讀之能令牙齒香太史馮生炯雙睫笑對諸公睨



六合胷中藻思爛春雲頭上進賢等秋葉我家田叔  
萬石儔近來亦復追風流自言浩蕩閭門下傷人飲  
酒聽笙篴四三曹偶大才子一到卿雲夜夜紫高言  
逸氣動天文五星奔迫白日駛余也小吏悲陸沉歲  
月無情毛髮侵低頭未免時人笑抗手能得英雄心  
但使英雄獨憐我笑殺時人無不可

寄劉觀察先生

先生觀察浙中時  
余受國士之知

君不見豐城劍獸夜雙龍吼歲月老去多泥沙積來  
厚千秋不遇張司空空有精光干北斗又不見爨下

桐一出烈火中清音滿天地不是中郎妙鑿賞煙塵  
漫滅道旁棄男兒重知己拂拭開風神少年坎廩不  
稱意夫子憐才一何真力驅春風吹枯草令我感激  
思古人三年迢遞南中去炎徼蠻天沐煙霧萬死難  
酬國士恩寸心易斷昆明路如今作吏低兩眉局促  
安有胸中竒慙爲肉食相敢忘布衣時數口長貧三  
尺在願言持此報相知

贈程子虛

咄咄東華大帝君天門朗照開人文無端小童歌青



白梅集 卷之三 二  
裙六合靈氣相氤氳幻出才子大崩奔使我耳目零  
亂如秋雲眼前一一南海珠筆端總寫金芙蓉意氣  
長林風葉踈日爲諸公輟簿書我才不足情有餘門  
外何來程子虛手驅煙月黃山隅相看共剪西窓燭  
大池星滿挂空綠更兼吳士慘舴艋好取天河瀉醴  
醪夜深雄談落神飈猛虎欲到風蕭蕭自拚山店爲  
官舍况借踈鐘答海潮嗟余墮地幾四十頭顱短去  
劔花澁鐘鼎富貴我不愛竹帛修名幾時立不如早  
與公等尋一丘瑤草瓊枝等閑拾五岳四瀆真可期

金母木公定長揖

贈湯慈明

春風五雨凌滄洲水紋漲綠沙如丘王睢鼓翼澤雉  
遊絲絲楊柳覆船頭夜涼簫管咽中流王孫新抱靡  
蕪愁自言爲客敝貂裘登艫酌酒海欲曙絳河銀燭  
天疑秋今夕何夕得同舟同舟美人若霞舉家在蕪  
城舊禁籟牙旗十萬羽林兒錦纜三千殿脚女月明  
鳳下憶吹簫火照烏栖驚列炬六代風華此擅塲花  
牋秀句應堪數歌鐘撲地連香塵樓堞臨江弄煙雨



白梅集 卷之三  
有時立馬看狼山興到乘橈泛牛渚以茲綵筆太紛  
紜瓜步靈潮建業雲鮑昭才盡江淹歿南國詞人今  
到君君才千秋足玄賞落落高情復雲上十年相望  
白鷗汀一旦追隨青雀舫酒中累月見情真行吟散  
髮惜餘春芳草時時能媚客桃花步步可憐人最喜  
天涯遇良友更得茹生若瓊玖齊塞杜若過橋邊共  
醉蒹葭宿浦口嗟余博物愧司空吐氣安能占北斗  
昔去無將匹馬逢今來似挾雙龍吼

送丁右武侍御謫潞安司理迎母南還

豫章先生衝冠士白簡青驄柱下史然諾片語向客  
傾生平寸心爲人死神馬騰驤蒲類寒寶刀颯沓妖  
虹紫上書大叫天門邊風馳電擊龍蜿蜒一官謫去  
非其罪獵纓西笑浮雲前馬頭不覽中條色杖底且  
拂香爐煙心知聶政尚有母昂藏七尺未可捐繡衣  
脫却披萊絲親製雲謠登舞筵孤帆海月橫空笛兩  
岼江花下瀨船羨君此行亦足快五嶽當胸隱磊塊  
古來英雄得道人匿跡收聲發靈籟不見高天霹靂  
飛湏臾雲盡虛空在



鄒舍人歌

朱樓大道連城闔楊花撲鞍雨洗塵西山紅霞落日  
晚馬上相逢鄒舍人舍人少年楚才子自言家住瀟  
湘水夢澤魚龍枕簟中衡巖雲霧惚楹裏六尺文弱  
意氣麤兩眼睥睨空萬夫讀書爲文有神力星辰岳  
瀆毫端趨口吹西王白玉琯手探南浦紅珊瑚元氣  
淋漓爛天藻萬里雲霄致身早藜火踈星齋閣涼蘭  
膏殘月華清曉山川大國青黛多旌旗羽獵荆王過  
一帶微波沒漢女千秋斑竹哀湘娥所以荆人競霞  
舉跌宕聲沉轉淒楚風急天空野鶴來江翻海立妖  
蛟舞平生不愛塵網牽焚香約友謀清綠語罷上行  
脩竹下醉來小臥落花前看君落穆真吾友快意風  
流得心賞區區九州不足遊相期七十二峰上

董逃篇

君不見董逃夙昔縱橫年隻手障日力回天揮霍山  
河在指臂片言睚眦死道邊公子聯鑣金馬下豪奴  
使酒朱樓前一朝富貴掩灰土鍾乳胡椒入天府銅  
雀摧頽吼夜風石馬荒涼卧秋雨又不見貂璫日侍



君王側玉帶朱衣藉恩澤口中白日生風雲掌上青天飛霹靂空憐壯士輸頭顱但與宵人借羽翼忽然滄桑世事翻龍蛇窟壤狐鼠奔主恩猶待以不灰匹馬蕭蕭出國門吁嗟乎霍氏之禍驂乘始梁家事敗秦宮死古來姦雄總如此吐氣衝虹霓拔劍斫海水坐今六合氛霾開天清地晶露泚泚壯哉批龍鱗不異履虎尾誰爲千秋人江李二御史

採花涇篇贈徐文卿

採花涇上花事繁王睢鼓翼倉庚喧南國明璫交雜

佩西園公子開酒尊沙棠之舟木蘭槳微風淥水橫塘上羅衣香裏寶扇搖玉遂聲中暗波響陸家兄弟傾吳都空青水碧世所無屬鴟一雙雪皓晶鴛鴦七十煙模糊美人蕭條黃耳去月冷花殘海空曙堤邊不見蕩槳人浦口猶餘採花處千秋秀色平原村只今惟有偃王孫偃王孫子美白皙少年才氣何翩翩枝枝璫藥真無價朶朶芙蓉信可餐京潞風塵馬蹄緩與君送目南雲滿今年雪凍邊氣深來歲花開水痕暖可憐開時不在家何由擊楫卧空沙石瀨猶疑



聽清吹衣裳曾得染明霞青山一出是紅塵進賢寧  
似華陽巾相將頭白始歸去五湖荷花笑煞人

贈吳生

嗟嗟吳生流落居人下四十年前騎駿馬風塵失意  
何足憐一日持杯一蕭灑金谷園中花滿谿眼前一  
一成香泥古來得失都如此酒後花深鶯亂啼

君不見

君不見上有上帝貴下有后土尊百神列宿相擁衛  
五嶽四瀆還崩奔元氣何淋漓大化總委謝日月朝

從滄海升星河夜向天門挂六合之內何所爲六合  
之外君豈知井中碧落逗一線開口談天紛如卮鴟  
白鷄雛嚇腐鼠鳩輕鵬鳥嘲天池朝生暮死亦何有  
無乃翻爲達者嗤君不見雷霆響烈烈蝸蟻聲啾啾  
撞鐘泰山頂况乃罡風道揚帆涉滄海安得有細流  
巨跡踏入荒大語驚千秋庸夫無遠心曠士多高韻  
太息擾擾者終作朝菌盡寧爲神理責不受世俗嗔  
趨時在得意所樂須及身烹羊飲美酒一醉蛾眉人  
時來且富貴歟去當灰塵所以古人好雲壑不與區



區世人角谿面閑看碧浪生峰頭笑引丹霞落光陰  
駛如楛世事俱電露萬物無不壞一官豈常住乞身  
我有青山歸君到歸時向何處君今笑我愚且駭我  
亦哀君喚不回試看牛羊秋草裏舊時金往與銅臺

贈吳山人昌齡

吳山人佳公子瘦骨清眉舌如綺三十瀟瀟老禿翁  
一身落拓乾坤裏華屋朱門賣與人窮巷蓬蒿而已  
矣門前獨枕大江流江上青山晚來紫彈琴度曲往  
往精近日新詩滿人耳面帶煙霞相合貧布袍桐帽

無風塵更有清言堪絕倒高譚揮塵空四鄰座無君  
卿客不樂安車爭欲迎山人耽玄好道自言尊繁華  
剝盡見天根前身頭陀無乃是灰心直欲投空門空  
門歲月眇萬劫世事蒼茫等秋葉余亦當今學道人  
繡佛齋前片語合君爲布衣真自雄我雖有官轉眼  
空一瓢一笠無不可胡爲齷齪居樊籠嗚呼胡爲齷  
齷居樊籠黃後大叫玄鶴冲與爾歸去青山中

送楊漢卿之金陵兼柬馮咸甫

金陵之山鬱岌堯驛路清霜明板橋長帆大編日來



往江上潮聲送六朝六朝送盡秋霧白銀鞍寶馬俱  
蕭條我昔南中夢來久羨君今日登牛首細雨斜陽  
萬寺鐘啼鴉曉月千門柳此時楊生策蹇驢踏花夜  
出秦淮口秦淮口多酒樓酒樓簾捲珊瑚鈎雕簷低  
覆紅恩果美人二人彈箏篴篴新聲佳且麗淥水  
娟娟轉白苧櫻桃樹下門巷深思君望君宿何處雲  
間馮生爾故人相逢共醉壚頭春風吹騮馬人如玉  
雨洗天街香作塵愧我頭顱今老大流水無情白日  
謝青山解得笑王孫空負秦淮明月夜秦淮明月白  
紛紛一片晴湖沒彩雲因人更作金陵夢霜落天寒  
好送君

金生歌

金生才氣傾吳都短小白皙美丈夫少年覽古破萬  
卷魚龍灑澗吞五湖谿上沙明見神女江邊劍冷啼  
專諸竭來西山醉落日酒態淋漓坐超忽呼盧浮白  
花氣深擊筑彈琴月華出咿嘍不肯傍王侯香言身  
中有傲骨一語落落便拂衣何處青山不可歸千金  
綿上能辭賞一箭聊城堪解圍嗟余與爾本同調却



彼微官苦相黜坐使英雄如檻猿齷齪低眉向人笑  
今我何爲馬上塵相期共理湖中櫂

贈朱汝修

下蔡佳人何婉孌家在河南多隴阪劉安好文復好  
道手招入公闕僊館山上井竈今猶存雲中雞大夫  
不返玉瑄聲達青桂踈金枝堆冷白日晚佳人携家  
亦北遊飛沙積雪古幽州少年讀書有遠韻高言落  
筆鏘琳球枕中鴻寶煙霞繞肘後金丹沆瀣浮入山  
採藥逢樵牧有時結駟交王侯香鑪茗椀夜寂莫名

花脩竹客淹惡飛觥授簡窮勝事海色東曙河西流  
直欲淋漓破萬卷安能鹵莽營千秋余本野客卧雲  
霧偶來作吏舍香署與君相見即相投數過開尊坐  
嘉樹司空望氣知劔埋太史占天奏星聚愧無玄草  
示侯芭但喜清芬對叔度一登廣武歎英雄再讀靈  
光失辭賦君猶白雪競高歌余已青山頌深趣相期  
還訪濠梁翁戲踏靈峰紫煙去

贈周生還吳興

周郎嫣然性落穆身世輕風載黃鵠生來家本蝦蟆



陵作客今依龍子國少年警敏多執事擊劍弄丸風  
雨速朝驅腰裏出東郊夜倚筇篻醉華屋月下曾觀  
神母碁花間戲共仙人博竭來燕丘何徜徉燕姬酒  
肆客疎狂黑水灣前懷督亢黃金臺下哭昭王天荒  
涿鹿鞦韆架日落盧龍蹴踘場大將旗開掣黃霧匹  
馬又向雲中去邊氣寒深金僕姑角聲吹老丁都護  
馬蹄踏穿筋力微飄然便指五湖歸清秋蕩槳月橫  
浦薄暮回船水濕衣

中秋燕郭舜舉兵部宅

中秋夜醉令公家更深雲盡月吐華座客半是五陵  
俠邊風不動天無沙妖童新度梁州曲豪士自鼓漁  
陽搗滿庭玉露桂花冷金杯盡入山河影六街如水  
爽氣空疑在長湖三萬頃殘螢數點媚秋衣變宮流  
微娛清輝何人拔劍忽起舞英雄猛氣橫金微大星  
兩落北斗亂眼看百道虹光飛郭夫子何瀟灑一夕  
風波尊俎中十年飄泊邊垂下歸來髮短雄心存猶  
是當時和歌者世事閱盡浮雲輕榮華飄忽流電驚  
矜名鬪智取大利意氣千秋莽未平銅臺上食亦何



用金谷草荒寒露生以茲感歎增慨慷白骨不到空  
 名香明月既在天美酒復盈觴何物螺贏何物戾王  
 丈夫眉頭無日不揚人間火宅那可住倒翻銀漢游  
 清涼

題玉芝館

洞門蕭蕭靈雨響窓前一夜青芝長空簾不動香出  
 花瞳曩旭日開明霞主人燕坐白雲墮客去猶復鳴  
 箏坐青谿寒溜通平池落花數點竹千箇

贈畫玉几山人

玉几山人家越絕石帆秦望參差列榻來燕巾二十  
 年杖底煙雲護雙闕蓬累朱門浩蕩行子雲筆札君  
 卿舌案上長披東觀書欄前半落西山月抽毫授簡  
 青尊賒擊筑彈碁白日斜居貧不受灌夫罵結客曾  
 過朱方家好古耽竒工薤粟蒼茫黯澹神靈哭赤雀  
 銜來玉簡文玄夷捧出金田錄巨碣魚龍沒水求大  
 碑風雨摩崖讀向來此物知有神蒼頡史籀俱灰塵  
 銀爲不律鐵作限董君大雅今無倫禹穴蘭亭日在  
 眼勸君莫老長生春玉洞丹霞堪杖策桃花野水待



白梅集  
卷之三  
三十一  
垂綸

黃山山人歌贈吳孝甫

黃山山人吳孝甫風情蕭散復豪舉少年結屋向崑  
閩前有熊熊後猛虎采芝長嘯歸來遲流雲滿牀月  
當戶高松蒼蒼含古色一一擎雲攫河鼓阨谷窈窕  
藤蘿閎慘澹精靈夜深語男兒寧肯老一丘杖策終  
然走吳楚卽今攜家住廣陵大扁乘濤弄煙雨世間  
日月如轉蓬荒後大叫黃山空昔年取醉長干里金  
裝寶馬珊瑚紅歌舞倡樓極妙麗結交酒肆多英雄  
五嶽都來雙足下千秋總盡一杯中男兒生不封侯  
佩朱紱布衣放浪吾願畢當胸磊塊不自銷往往跌  
宕見英物萬事脫手應翛然不爲仙人卽爲佛不仙  
不佛卽亦得生時飲酒歿埋骨丈夫踪跡廓落有如  
此八紘秋隘如篝羅二十六峰回首堆青螺排風騎  
氣差足多黃山黃山奈爾何

白梅集卷之三終















